

Ministrja Nagavci priti themeluesin e Fondit Kosovaro-Amerikan për Edukim

Ministrja e Arsimit, Shkencës, Teknologjisë dhe Inovacionit, Arbërie Nagavci dhe zëvendësministri, Dukagjin Pupovci kanë pritur sot në takim me njërin ndër ideatorët e Fondit Kosovaro-Amerikan të Edukimit (KAEF), njëherësh drejtor i parë i USAID në Kosovë, Dale Pfeiffer.

Ministrja Nagavci e falënderoi z. Pfeiffer për mbështetjen e madhe që ai ka dhënë arsimit ndër vite, veçanërisht mbështetjen për të rinjtë tanë përmes Fondit të themeluar nga ai e që ka mbështetur shumë të rinjë me bursa për studime në universitete të njohura amerikane.

Në këtë takim ndër të tjera u bisedua për thellimin e bashkëpunimit dhe krijimin e kushteve që Fondi të arrijë tëmbështesë financiarisht numër më të madh të studentëve për një periudhë më të gjatë kohore.

Z. Pfeiffer falënderoi ministren Nagavci dhe zv/ministrin Pupovci për gatishmërinë e tyre për të çuar përpara bashkëpunimin me këtë Fond.

Fondi Kosovaro-Amerikan për Edukim është një program prestigjioz që ofron bursa në nivel masteri dhe synon të fuqizojë liderët e ardhshëm të Kosovës me njohuritë dhe aftësitë e nevojshme për të promovuar zhvillimin ekonomik të vendit. Që nga themelimi i programit në vitin 2004, mbi 100 studentë kanë ndjekur studimet e tyre të masterit në Shtetet e Bashkuara përmes bursës KAEF.